

大清會典

刑部



大清會典

刑部

○凡監獄有內監

強盜及斬絞重犯居之

有外監

軍流以下輕罪

居之監獄外垣周堆棘刺內外監皆隔以垣牆以杜串通口供之弊

有女監

婦人犯姦

及實犯死罪者居之其餘雜犯責付本夫收管如無夫者責付有服親屬鄰里保管隨衙聽候

不許一概監禁別其罪囚而繫之

或鎖收或散收官犯公罪流以下私罪杖

以下軍民輕罪老幼廢疾皆散收

以時給其衣糧

在禁囚犯日給倉米一升





冬給絮衣一件鎖杻常須洗滌蓆薦常須鋪置  
冬設煖床夏備涼漿支更禁卒夜給燈油並於  
本處有司在官錢糧內支放獄官預期申明關  
給毋致缺誤赴倉支領囚糧每石給腳價銀五  
分不許獄卒人等私行剋扣其遞解人犯按程  
給與口糧如遇隆冬停遣每名給與衣帽五城  
司坊羈禁人犯及部發各司坊枷號並看守待  
質等犯果係赤貧無家屬送飯者每人日給老  
米一升按季造報戶部覈銷凡斬絞重犯  
及軍流遣犯在監及解審發配俱著赭衣治其  
疾病內外監獄醫治罪囚疾病官給以藥選用  
醫生二名年底稽考優劣如醫治痊愈者  
多照例俟六年已滿在內咨授吏目在外咨授  
典科訓科不能醫治病死多者即責革更換徒

罪以下人犯患病獄官報明承審官即赴監驗  
看是實行令該佐領驍騎校地方官取具的保  
保出調治俟病痊即送監審結外解人犯無人  
保出者令其散處外監加意調治如獄官不報  
承審官不驗看保釋以淹禁論本犯無病而串  
通獄卒醫生捏稱有病及病已痊愈而該佐領  
等官不即送監俱以詐病避事論至督撫題報  
監斃人犯必將所犯罪名所患病症及有無凌  
虐曾否保釋逐一聲明嚴其防範強盜十惡謀故殺重犯  
用鐵鎖杻鐐各三道其  
餘鬪毆人命等案罪犯以及軍流徒罪等犯止  
用鐵鎖杻鐐各一道笞杖等犯止用鐵鎖一道  
如輕罪濫用重鎖重罪私用輕鎖及應三道而  
用九道應九道而用三道獄官題參禁卒革役

凡獲犯到案及解審發回之時州縣官當堂細加搜檢無夾帶金刃等物方許進監嚴禁禁卒不許將磚石樹木銅鐵器皿之類混行取入有買酒入監者將禁卒嚴行責治查辦皂隸及官員家僕人等不許擅自出入監所監犯祖父伯叔兄弟妻子許一月兩次入視隨從使役不得過兩名入視旋出不得久留有送飲食者提牢官驗明禁子轉送盜犯家口不許放入監門探視違者枷責官吏叅處獄囚不得給與燈油內外監俱不得搭蓋天棚斬絞監候之犯每遇秋審責令獄官監視雜髮一次軍流人犯每季雜髮一次仍令留頂心一片秋審解省者必俟審畢發回後方許雜髮凡拏獲越獄之犯務究通線與雜頭並代為銷燬刺字情弊通線之人與

囚同罪至死者絞監候其代為雜頭並銷燬刺字之人枷號兩個月責四十板懲其凌

虐獄內禁用櫃床官員擅取病呈致死監犯者以謀殺造意論獄官禁卒聽從下手以從而

加功論其獄卒受罪人讐家賄囑謀死本犯者亦以謀殺論番役私拷死罪人犯者枷號杖責

私拷軍流以下罪犯者遞加一等治罪逼索銀錢計贓以枉法論至程遞人犯如押解人役擅加桎鐐非法亂打搜檢財物剝脫衣服逼致死傷或姦污犯人妻女者照例重治并許被害之

犯在各該處衙門控告官司故禁平人者罪之凡平空無事亦無名

字在官之人及雖有公事干連而無罪者官吏如有挾讐故禁或淹禁致死者分別治罪人如



笞杖輕犯遞回原籍安插者承審衙門於遞解  
票內註明不應收監字樣前途接遞州縣即差  
役押交坊店歇宿取具私繫者亦如之如地方  
收管毋得濫行監禁  
班館自新所之類屢  
經奉旨飭禁

○凡監犯越獄者加其罪

凡獄囚脫監於本罪  
上加二等因而竊放

他囚罪重者與同罪若盜犯越獄原擬斬決者  
即行梟示原擬免死發遣者改擬斬決若殺傷  
兵役亦擬斬梟糾夥三人以上穿穴踰牆乘間  
越獄者分別情罪從重加擬若止一二人脫逃  
無預謀糾夥情在途在配脫逃者亦如之軍犯  
事者稍輕其罪在途在配

脫逃如係附近充軍者初次枷號一個月調發  
近邊二次枷號兩個月調發邊遠三次枷號三  
個月調發極邊烟瘴其本犯近邊邊遠者各以  
次遞加調發至極邊烟瘴脫逃者改發黑龍江  
等處為奴即令拏獲之州縣詳請咨部覈擬完  
結毋庸遞回原配審斷其中途脫逃者亦照此  
辦理流犯脫逃亦以次遞加調發俱由原籍計  
程發配仍按照次數枷號如軍犯法惟免死減  
流脫逃者改近邊尋常滿流人犯脫逃者改附  
近俱就現配地方計程若所應發之地與該犯  
原籍相近而又地處邊境無可改發者即照表  
內應發之地加一等改發免死發遣盜犯逃逾  
五日者請旨即行正法緩決人犯減等發  
遣如有逃後行兇拏時拒捕照原犯死罪即行

正法免死減軍者亦如之尋常發遣逃犯有主  
行兇拒捕等事仍照現犯罪名從重定擬

**守者坐之** 獄卒失囚果係依法看守偶致疎脫  
非得賄故縱者聽減囚罪最重者二

等給限百日戴罪追捕捕得即免罪其有將斬  
絞重犯鬆放刑具以致脫逃即將該禁卒嚴行

監禁俟拏獲逃犯之日究明賄縱屬實即照所  
縱囚罪全科應入秋審情實者亦入情實應斬

絞立法者亦擬立法如係徇情鬆放或託故擅  
離或倩人代守者照故縱律與囚同罪至死減

一等重犯中途脫逃之解役亦照此分別定罪  
軍流罪犯在配脫逃亦給限追捕限內捕得者

將看守之保甲革役免罪如逾限不獲一名者  
杖八十每一名加一等罪止杖一百受財故縱

者計贓以枉法論若軍流等犯在途疎脫於  
限內捕獲者將長解減二等問擬短解免罪凡

**捕亡督役必嚴** 在官應捕人承差追捕而推故  
不行或知而不即捕者減罪人

罪一等限三十日捕得一半以上雖不及半但  
獲最重之犯皆免罪犯人已死及自首各盡者

亦如之不盡者依不盡之犯減等科罪非應捕  
人臨時差遣者減一等受財故縱者不給捕限

與囚之最重者同罪贓重者計贓以枉法從重  
論其未經受財但通信息致罪人逃避者如所

縱之囚罪在軍流以下者亦與囚同科不准減  
等若係斬絞外遣等罪將該犯減發極邊烟瘴

充軍凡逃回原籍之軍流人犯本籍地方官於  
咨緝文到即傳該犯親屬鄰保人等逐一訊問



根由下落。如果未逃回，即取確實供結詳請咨部及配所省分存案，仍令保鄰不時偵緝。一經回籍，立即首報，倘容留不行舉首，將房主鄰保照律治罪。親屬除祖父子孫夫妻奴僕外，俱照律治罪。地方官率混詳報，及不行查出者，交部分別議處。**僉差必慎**。州縣廣不得濫給緝票，先將該犯年貌案由，并差役年貌籍貫及所差名數，一面詳明督撫，知照各該省一面改用通關，給與差役攜帶在身，密行偵緝。如有蹤跡，即將通關呈報該地方官，添差拏解。如緝無蹤跡，仍投換回文以為憑驗，倘有濫給印票及差人雇倩白役代緝，以及藉端勒索，照例治罪。其僉差不慎，**若通緝**。凡州縣脫逃要之承緝官，嚴加議處。犯將該犯年貌

籍貫有無鬚痣詳細開明，行文通緝該處地方官於文到之日差捕認緝，一面填寫印票分給各鄉總甲徧行訪察。如果遍緝無蹤，年底取具甘結轉詳咨部，仍令接緝務獲，知照銷案。凡各本省應緝外遣逃犯，分晰年分名數，登註事由及已未就獲為一冊，外省通緝者於每年彙造尋常軍流逃犯冊內畫出另為一冊，年終由臬司衙門彙冊造報督撫。於開印後咨部查覈。該督撫將本省及通緝各案分摺具奏，其通緝遣犯各督撫於文到日即飭屬分差緝拏，將緝役姓名申報責成。該管道府不時稽察，如有怠忽不力者，揭叅議處。凡通緝已屆四十年即行查銷，逃犯停緝以年逾七十為準。如在逃時年已六十，勒限十年，年已五十，勒限二十年，逾限未

獲即於彙咨通緝案內開除停緝  
倘後經緝獲仍照例質明辦理  
若協緝凡凌遲斬

絞立決監候重犯越獄脫逃將管獄官革職拏  
問除四個月限內拏獲免其拏問外如不能拏  
獲留於地方協緝五年限滿不獲審係禁役賄  
縱故縱脫逃者發往軍臺効力贖罪若審明禁  
役並無賄縱故縱情事果係依法看守偶致疎  
脫者擬以杖一百徒三年有獄官暫行革職留  
任俟四個月限滿不獲仍留任一年督緝如再  
不獲按其未獲名數議降議革留於該地方協  
同接任官緝捕五年限內拏獲題請開復限滿  
不獲查係禁役賄縱故縱者毋論名數多寡概  
行革職發往軍臺効力贖罪若並無賄縱等弊  
係降調之員仍照未獲名數分別降革完結係

革職之員擬以杖一百徒三年至一案內祇係  
一名脫逃者有獄官革職留任四個月限滿不  
獲仍留任一年督緝如再不獲即行革任留於  
該地方協緝五年限內拏獲題請開復限滿不  
獲審係依法看守偶致疎縱者仍以革職完結  
係禁役賄縱故縱者擬以杖一百徒三年倘犯  
被他人捕獲者仍照例科罪其軍流人犯越獄  
及重犯越獄拏獲案內尚有軍流等犯未獲者  
亦仍交責其所司而論其不力者凡官司承緝  
部議處之案於限內

獲犯過半或及半兼獲首犯者免其查取職名  
開參獲未及半仍將職名開報咨參聽候部議  
及半而未獲首犯者亦知之



○凡審案必定其期限。凡審理尋常命案限六個月。盜劫及情重命案

欽部事件並搶奪掘墳一切雜案俱定限四個月。其限六個月者州縣三個月。解府州府州一個。月解司司一個月。解督撫督撫一個月。咨題限四個月者州縣兩個。月解府州府州二十日。解司司二十日。解督撫督撫二十日。咨題如案內正犯及要證未獲。情事未得確實者題明展限。按察司自理事件限一個月。完結府州縣自理事件俱限二十日。審結上司批審事件限一個月。審報若隔屬提人及行查者以人文到日起限。限滿不結。督撫照例咨部。即於限滿之日接算。再限二叅四個月。仍令州縣兩個月。解府州府州臬司督撫各分限二十日。如逾限

不結。督撫將易結不結情由詳查註明。題叅議處。至卑幼擅殺期功尊長。屬下人毆傷本管官并妻妾謀死本夫。奴婢毆故殺家長等案。承審官限一月內審解。府司督撫各限十日。審轉具題。如限滿未結。即接扣二叅限期。州縣限二十日。府司督撫仍各限十日。完結。如有遲延。分別初叅二叅。照例議處。其殺死三命四命之案。該督撫即提至省城。督同速審。其審解限期。即照此例。承審官內有陞任革職降調及因公他往。委員接審者。如前官承審未及一月者。准其按審過日期。扣展一月以上。離任者。准其展限一個月。分限兩個月。三個月。事件。前官承審。歷限過半。離任者。准其扣半加展。如前官於二叅限內離任者。接任官准其以到任之日起。無論六

個月四個月事件俱扣限四個月審結至原問官審斷未當及犯供翻易情節督撫另委賢員或會同原問官審理委審之員展限一個月該管各上司亦統限一個月覈轉具題總以兩個月完結承審官不得借端掩飾上司官不得混行駁查以致違限亦不得知屬員例限將滿故為派委希圖展限督撫參遲延時將解審月日駁查次數聲明聽部查覈凡案內正犯要証及首從人犯已經到案間有餘犯未獲者即將現獲之犯據情研審按限完結遇有續獲之犯到案在州縣分限以內者即一併審擬毋庸另展限期如到案在分限外不能併案審擬者將續獲人犯另行展案扣限四個月完結如到案在州縣分限將滿者亦不得逾違統限凡總督兼

轄兩省遇有欽部等事件例限四個月具題者隔省事件准六個月具題兩廣總督廣東巡撫所屬瓊州亦照隔省例福建臺灣府限十個月湖廣衡州等府所屬有苗民二十六州縣及乾州平溪等衛距省寫遠凡命盜案件俱於定限外展限兩個月督撫新任及署理印務如欽部事件原限內難於完結准分別展限原限四個月展兩月原限六個月展三月遇公事出境一切事件准題請展限若監臨科場准按日扣限凡參審之案督撫於具題後即行提人犯要証到省俟奉旨文到日率同司道審理即扣限起舊限四個月者限兩個月總督隔省舊限六個月者限四個月具題如果案情繁重奏請展限亦總須在四個月六個月內完



結凡在京衙門承審事件限一個月內審結被  
証在外者以到齊日為始內外移咨行察者以  
文到為始本部現審事件應會三法司者仍限  
一個月杖責等罪限十日發遣軍流等罪限二  
十日案內有應行提質及患病之犯以提到及  
病愈之日為始仍將應行扣限及三法司會審  
日期並於科道衙門註銷內聲明凡本部行文  
八旗內務府五城順天府提人限文到三日內  
即行查送過部或人犯有他故不到即將情由  
報明如違參處尋常移咨外省案件如行查家  
產關提人犯俱以文到之日為始依限查覆於  
覆文內將何日接到部咨有無逾限之處隨案  
聲明倘一時未得清晰必須輟轉咨查不能依  
限查覆者亦即聲請展限凡州縣承審案件遇

正犯要證患病者准其計日扣展期限將起病  
病痊月日及醫生醫方先後具文通報成招時  
出具甘結附送令該管府州於審轉時查察加  
結轉送如府州司道審轉之時或遇犯證患病  
亦准報明扣除毋論司府州縣凡犯病逾一月  
以上者止准扣限一月若州縣捏報藉延府州  
扶同加結州縣自理之案則責其上司督之  
一併開參

將每月自理事件作何審斷與准理拘提完結  
之月日逐件登記按月造冊申送該府道司撫  
督查考其有隱飾按其干犯別其輕重輕則記  
過重則題參仍照在京衙門按月註銷之例設  
立循環簿將一月內事件填註簿內開明已未  
結緣由其有應行展限及覆審者亦即於冊內

註明於每月底送該管知府直隸州知州查覈  
循環輪流註銷其有遲延隱漏詳報咨該管  
巡道巡歷所至即提該州縣詞訟號簿逐一稽  
查如有未完之案號簿未經造入即係任意遷  
延先提書吏責處並將州縣揭報督撫分別嚴  
叅其事雖審結斷理不公該道覈其情節可疑  
者立提案卷查覈改正若關係積賊刁棍衙蠹  
及胥役弊匿等情即令巡道親提究治凡民間  
詞訟細事如田畝之界址溝洫親屬之遠近親  
疎許令鄉保查明呈報該州縣官當即親加剖  
斷不得批令鄉  
**農忙則停訟**自四月初一日至  
地處理完結  
七月三十日時止  
農忙一切民訟除反叛命盜及貪贓壞法等重  
情并姦牙舖戶騙劫客貨查有確據者俱照常

受理外其餘戶婚田土細事一概不准受理自  
八月初一日以後方許聽斷若查勘水利界址  
等事現涉爭訟清理稍遲必致有妨農務者即  
令州縣親赴該處審斷速結不得票拘至城或  
至守候病農其一切呈訴無妨農業之事照常  
辦理不許藉稱停訟任意稽延仍令該管巡道  
嚴密申報  
**案犯之應禁者**如侵欺錢糧一千兩  
據實叅處  
以上皆鎖禁監追奉  
旨遞回原籍及犯徒罪以上援免解交地  
方官管束之犯經過州縣照例收禁之類凡鞠  
獄管獄等官於罪囚應鎖柵而不用鎖  
柵及應柵而鎖應鎖而柵者照例問擬  
**應保釋**  
者問刑衙門除重犯例應監禁外其餘干連並  
一應輕罪人犯即令地保保候審理部發取



保犯證如係五城送部之案其案犯住址即在  
原城所管地方仍發交原城司坊官取保其餘  
各衙門移送案內應行取保人證俱按其居址  
坐落何城發交該城司坊官就近取保其白外  
省州縣提到人證即令本人自舉親識寓居所  
在交城就近發保仍將保人姓名報部查覈其  
並無親識者酌量交城看守凡詞訟對問得實  
被告人已招認服罪原告人別無應對事理者  
隨即放回毋得拘留其挾讐扳害者申解督撫  
詳審果係誣枉即行釋放不得令候結案內外  
枷杖輕罪竟行發落軍流徒罪於審結之日先  
行發落按李彙題若非尋常經見之事及酌重  
酌輕之案并犯罪文自生監以上武自驍騎校  
以上或本身雖白丁係現任大員子弟犯該遣

軍流徒者俱詳敘供招不拘件數時日隨結隨  
題仍於酌重酌輕之處粘貼黃籤恭呈御覽  
俟奉旨之日發落至案內贓證未明監  
候待質之犯如發遣軍流罪已過十年徒罪已  
過五年杖罪已過三年者督撫查明咨部覈覆  
應遣軍流徒者照原擬罪名即行發配應杖罪  
者取具的保釋放在外俟緝獲正犯之日再行  
質審若監候年限內恭遇恩赦如在逃本  
犯拏獲時例得減免者待質  
**應闕提者**凡推問  
之犯准其即行查辦省釋罪囚有

起內人伴見在他處官司停囚待對者雖彼此  
職分不相統攝皆聽直行勾取若應對之囚已  
在他處事發見問者聽輕囚就重囚罪相等者  
少囚從多囚數相等者以後發之囚送先發官

司併問。若兩縣相去三百里之外者，往返移就恐致踈虞。各從事發處歸斷，移文知會。若將重就輕，將多就少，當處官司隨即收問，仍申達所管上司究問違法移囚之罪。凡鄰縣關提人犯，限文到二十日拏解，不得聽信地保差役捏稱並無其人及久經出外空文回覆，指不發人尋常對質人犯。隔省關提者，一面詳明督撫移咨，一面差人關會該地方官添差協緝，不得擅給批牌竟行拘提。在本省隔屬者亦如之。若探實贓盜之處，無論隔縣隔府隔省，一面差役執持印票即行密拏。一面移文關會，拏獲之後仍報明地方官添差移解。一應竊匪窩賭窩娼等類，有竄入鄰境者，亦照此例。捕役不得借端騷擾該處官吏，亦不得踈縱牽制。凡關提人犯，務將

緊要緣由及關提月日，通報各上司稽考。至審結題咨時，亦將關到日期扣明程限，聲明有無遲延。聽候部議，其並非緊要案犯，不得藉稱關提希圖展限。凡關提人犯及關查口供，皆得展限兩月。應解審者，凡秋審案犯除緩決者解審一月，次之後情罪無可更定者，只令

有司敘由詳報，停其解審外，其曾擬情實未經勾決之犯，及前擬緩決後改情實并緩決人犯，內情可矜疑者，仍照例飭提解審。凡解審令州縣報明該管府州徑行解司，押解之員止令逐程更替，不必長解守候。交替之時，將人犯并解役當面點交前站委員收明，始回本地。審畢發回，亦由司給發護牌，逐程遞回各州縣收禁。仍彙文行知各該府，其距省寫遠之府州秋審人



犯免解審者。廣西省則泗城鎮安太平思恩四府所屬之凌雲西林西隆小鎮安天保歸順奉議崇善龍州寧明永康左州養利武緣百色等各廳州縣。湖北省則鄖陽宜昌施南三府所屬之各州縣。湖南省則永順沅州二府。鳳凰乾州永綏三廳及靖州所屬各縣。陝西省則榆林延安漢中興安四府及綏德州所屬四川省則寧遠重慶夔州三府及酉陽忠州綏定敘永廳等府州所屬廣東省則高州廉州雷州潮州四府所屬雲南省則永昌順寧麗江昭通廣南普洱六府。景東永北兩廳。鎮沅直隸州及州屬恩樂縣俱責成不由審轉之道員。於冬季巡歷時逐一親鞫造冊加結移報院司彙覈不必會同知府。倘有鳴冤翻異者即將該犯解省聽候院司

覆覈如有續行補入必求其當以無累於民每  
秋審之案補勘移報

清理庶獄 恩旨必將因事牽涉拘繫待質  
各犯速行詢明省釋一切案件俱令速為完結  
以免拖累凡地方官審理詞訟不得任意遲延  
使民朝夕聽候以致廢時失業牽連無辜小事  
累及婦女甚至賣妻鬻子者該  
管上司不時查察毋得徇庇



<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------





